

皇明海防纂要

第九冊

欽定四庫全書

卷九

海防纂要卷之七

恭陽王在晉明初甫纂男會必釋葛較聞

定廟謨

都御史唐順之題云自海賊入寇以來十餘年東南雖苦其毒而賊之被殺者亦積至幾萬今年寇江北寇浙東者且萬餘而寇福建者傳聞不下二三萬則是殺者不可勝紀而寇者不為少止夫南倭與北虜異口外砂磧之地極古以來原有韃子腹裏膏腴之地二十年前原無倭子今口外尚有一兩年無寇而倭子却無一歲不來如此不已非止外患將為內虞

古云兵久則變生近者吳淞定海之間水卒呼糧挾
官縛吏則兵變之漸矣蘇人素怯弱而游冶子弟懷
毒蓄機曰伺倭來裏外合應幸早發之獨燒官寺劫
獄囚閔然一逞則民變之漸矣此其萌芽也誠不可
不深圖而熟慮之若謂倭寇之來一歲支却一歲一
番殺却一番便有了事則臣不敢知其所終也伏惟
聖明勅下禮兵二部備講祖宗以來招懷撫諭之
略防海固圉之機及勅督撫諸臣徧訪倭情集議
長策二十年前何以絕無倭患十年之間何以倭患若
此年年禦倭何時是了如何可以永斷倭寇之路

以還東南之舊苟可以利國不必為身家顧慮苟可
以便今不必以成說拘牽外內臣工方略畢上然後
聖明與廟大臣從中主斷而力行之期於三年四年
斷却此賊臣猶以為速也不然一歲一來一來一駐
臣猶以為浪戰耳

叙寇原

太守嚴中云海商原不為盜然海盜從海商起何也
許二王五輩通番渡海常防劫奪島夷之號悍而
善戰者蓄於舟中泊於雙嶼列表濱海之民以小舟
裝載貨物接濟交易夷人欺其軍弱殺而奪之接濟

者不敢自往聚歟舟以為衛其歸也許二輩遣倭一
二十人持刃送之倭人還舟遇船即劫遇人即殺至
其本國道中國劫奪之易遂起各島欲慕之心而入
寇之禍不可遏矣

都督高表云向來海上漁船出近洋打魚煎柴無敢
過海通番近因海禁漸弛勾引番船紛然往來海上
各認所主承攬貨物裝載或五十艘或百餘艘成群
合黨分泊各港又各用三板車撇脚船不可勝計在
於沿海兼行劫掠亂斯生矣自後日本暹羅諸國無
處不到又誘帶日本島倭奴借其強悍以為覆翼微

州許二住雙嶼港北海上宿寇最稱強者後被朱都
御史遣將官領福兵破其巢穴焚其舟艦擒殺殆半
就雙嶼港築截許二遠去王直亦徽州人原在許二
部下管糧素有沉機勇略人多服之乃領其餘黨改
往烈港漸次併殺同賊陳思貽柴德美等船伍遂致
富強以所部船多乃令毛海峰徐碧溪徐元亮分領
之因而海上番船出入闕無盤阻而興販之徒紛錯
於蘇杭近地人民自有饒時鮮餽酒米獻子女者自
臨黃巖屠霜霽而其志益驕其後四散劫掠不於餘
姚則於觀海不於樂清則於瑞安允通番之家則不

相犯人時競趨之杭城歇客之家貪其厚利任其堆
貨且為之打點覆送如銅錢用以鑄銃鉛以為彈硝
以為火藥鐵以製刀鎗皮以製甲及布帛絲綿油
麻酒米等物

除內逆

兵部尚書楊博題云倭賊入寇多因我民為之勾引
蓋逋逃不歸則禍本未拔東西無息肩之期合行督
撫諸臣多方招徠務使不軌之徒以次歸正

擇將才

兵部尚書胡世寧云自古將才難得而起自行伍慣

歷戰陣者尤為難得今彼處遠軍衝鋒破敵者既拘
例不得報功而新獲首級者又被勢豪奪去不得報
陞官級至於指揮千百戶間有謀勇可用者又或家
食不得營幹管軍事以顯其才以是將官起至行伍
真能殺賊者不可再得今宜嚴勅彼處鎮巡官公
心体訪指揮千百戶中間果有謀勇出衆家貧不得
差遣者務要公心選任管隊把總掌印脩禦等職至
於勢豪奪功冒功之弊尤宜痛革而行伍士卒果能
衝鋒破敵或斬獲首級者務要實報功次使其得陞
官職與選任指揮千百戶俱令積功漸陞品級以脩

固其技同每百人固為一隊而教之較其技精而最勇者百人之中必有一人得之以為裨將合十裨將而教之又於其中擇有見識知通變者十人之中必有一人得之以為大將此一人之智勇乃為人之選也推行是說拊綽之思庶幾可慰矣

實軍伍

海道副使譚綸云衛所官軍既不能以戢賊又不足以自守往往歸罪於行伍空虛徒存尺籍似矣然斯中如寧紹溫台諸沿海衛所環域以內並無一民相雜廬舍耕集宣北衛所之人乎廟家道與實者往往

納充吏承其次賂官出外為商其次業藝其次技兵
其次後占其次搬演雜劇其次識字通同該伍放回
附近原籍裁收索例其次舍人皆不操守即此八項
居十之半且皆精銳至於補伍食糧則反為疲癯殘
疾老弱不堪之輩軍伍不振戰守無資弊皆坐此至
于逃亡故絕此特其一節耳為今之計合無委賢能
有司官貢公同該把總官前去各該衛所督同掌印
等官不必論其伍分先將城中街巷盡行查出計有
若干每街每巷共有門面若干戶分格眼紙一張諭
令自開房屋幾間男婦幾口某係精壯某係老弱至

於釜灶床鋪若干亦要從定開載貼於大門之上乃
各委官親自持簿帶領各伍官旗沿街履戶逐一挨
查面詰該管官旗有無隱漏并執結明白然後比對
戶口文冊庶幾可得十之七八於是取其見在人數
通行挑選精壯者存留食糧老弱不堪者通行革退
卽於戶丁精壯餘丁還補如果在營故絕無丁者除
本有地方照舊行勾外其他省人民屢勾無解者不
必駕言革勾卽查照近例嚴選別戶精壯餘丁補伍
至於充納吏承違例役占者自今伊始通行禁止其
賣放逃出外行商業藝技兵搬戲及隱容在籍收賂

常例等項俱責令該管官旗及家屬人等免其前罪
通行勸限召回一體選補務使食糧者皆精銳之士
無遺以老弱充數不食糧者照依保甲之法編守城
之人如有百姓守城之例不得以無糧藉口該管官
旗招徠補充至五分以上卽量行獎賞其始終不改
縱容賣放如故者掌印及諸伍官旗聽各道從寬查
叅輕則問罪降級重則鄉解軍門治以軍法如此庶
軍政可肅戎守有人不至臨時紛紛請兵矣

恤軍屬

兵部尚書楊博題云優恤軍士著在令甲卽如近日

山西等處之變固是諸軍自干天憲至於處置乖
方當事者亦不得不任其責合無脩行督撫總兵等
官令所屬大小將領將部下士卒察其饑寒同其甘
苦務使人樂為用闡明信義整肅威嚴務使人不敢
欺則感恩畏義無不願死以報上矣

精教練

兵部尚書胡世寧云宋學士蘇軾有言天下不免於
戰無事之時士大夫當尚武勇習兵法庶人之在官
者以行陣之師役民之司盜者以擊刺之術歲終試
之較以勝負以行賞罰一旦有虜寇以不教之民而

驅之戰乃今日為世通計者之所當知也

或者云今之議者不思練兵而數欲調兵昔山東兵
嘗調兵而無救於敗狼廣兵再調兵而無救於敗番
土兵又調兵無救於敗而害益滋其時至如乳虎而
其臨陣如鳥散居則為民蠹出則長賊威故民言調
兵與被賊等以其練之不精而敗之無統也夫兵法
平原曠野此用眾之地也如群虎抗獐以多者勝通
狹險要則如兩鼠鬪穴以勇者勝雖眾無所用也
兵部尚書楊博題云遠調客兵不如圍練鄉兵此誠
不易之論况所調狼土等兵兇狠狂悖十倍倭奴總

督旣不能節制其將領又不能約束卽如近日川貴
總督待卽石某所奏可鑒已但議者動謂鄉兵怯懦
緩急難恃不知近日浙江揚州之變多係土人何其
勇於私鬪而怯於公戰或是在處置得宜耳合行督
撫等官嚴督各該海防兵脩守巡將各處鄉兵係練
行伍者責成軍衛募自民間者責成有司如法團練
務求實用至於客兵仍遵明旨不許輕調騷擾地
方
副使茅坤云浙人不習射當如兩河以北懸射銀錢
之利以誘之使習令吾師而能教百人善弓則善弓